

თელავის მუნიციპალიტეტის საკრებულოს
საფინანსო-საბიუჯეტო კომისიის სხდომის

ოქმი N6

ქ. თელავი

15.06.2023 წელი

თავმჯდომარეობდა: ზურაბ ლილუაშვილი.

ესწრებოდნენ კომისიის წევრები: უჩა ჭოტიაშვილი; თამარ ხატიაშვილი; ოთარი ესიტაშვილი; მამუკა ბურდიაშვილი; გიორგი ხაჭაპურიძე; რუსუდან იმერლიშვილი; ნინო ომანიძე; იმედა კველიშვილი.

სხდომას აგრეთვე ესწრებოდნენ: დეპუტატი: მიხეილ დაღუნდარიძე. თელავის მუნიციპალიტეტის საკრებულოს აპარატის უფროსი - თარიელ გალახვარიძე. საკრებულოს საზოგადოებასთან ურთიერთობისა და პიარის სპეციალისტი - ნიკოლოზ ესიტაშვილი; საკრებულოს საორგანიზაციო განყოფილების უმცროსი სპეციალისტი - ნინო ასანაშვილი; თელავის მუნიციპალიტეტის მერიის საფინანსო-საბიუჯეტო სამსახურის უფროსი - ნათია ვაყელიშვილი; თელავის მუნიციპალიტეტის მერიის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსი - თედო ხოსროშვილი; ტელეკომპანია „თანამგზავრი“-ს ჟურნალისტი - ნატო ხაჩირიშვილი; ოპერატორი - გიორგი კაციაშვილი.

თავმჯდომარემ კომისიის სხდომაზე დამსწრე საზოგადოებას წარუდგინა დღის წესრიგი

დღის წესრიგი:

1. თელავის მუნიციპალიტეტის საკრებულოს 2022 წლის 28 დეკემბრის №22 დადგენილებაში „თელავის მუნიციპალიტეტის 2023 წლის ბიუჯეტის დამტკიცების შესახებ“ ცვლილების შეტანის თაობაზე

მომხსენებელი - ზ. ლილუაშვილი
თანამომხსენებელი - ნ. ვაყელიშვილი

2. თელავის მუნიციპალიტეტის საკრებულოს 2023 წლის 27 თებერვლის N10 განკარგულებაში „საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების დამტკიცების შესახებ“ ცვლილების შეტანის თაობაზე.

მომხსენებელი - ზ. ლილუაშვილი
თანამომხსენებელი - ნ. ვაყელიშვილი

მოსმინეს 1. თელავის მუნიციპალიტეტის საკრებულოს 2022 წლის 28 დეკემბრის N22 დადგენილებაში „თელავის მუნიციპალიტეტის 2023 წლის ბიუჯეტის დამტკიცების შესახებ“ ცვლილების შეტანის თაობაზე.

აზრი გამოთქვას: ზ. ლილუაშვილმა ისაუბრა ბიუჯეტში ცვლილებასთან დაკავშირებით. მან აღნიშნა, რომ ნორმატიული აქტის პროექტის მიხედვით, მთავარ საფინანსო დოკუმენტში ცვლილებების ძირითადი მოტივია სხვადასხვა ინფრასტრუქტურული ღონისძიებების დაფინანსებისთვის თანხების მობილიზებაში, აგრეთვე გაეროს განვითარების პროგრამის დაფინანსებით (UNDP) „ცივის მთის“ კალთაზე, სათავგადასავლო მარშრუტების დაგეგმვისა და შესაბამისი ინფრასტრუქტურის მოწყობისათვის, საპროექტო-სახარჯთაღრიცხვო დოკუმენტაციის მოსამზადებლად გამოყოფილი თანხების ასახვაში.

კომისიის თავმჯდომარემ დამატებითი განმარტებები მოსთხოვა თელავის მუნიციპალიტეტის მერიის საფინანსო-საბიუჯეტო სამსახურის უფროსს- ნ. ვაყელიშვილს.

მან აღნიშნა, ცვლილებების გათვალისწინებით, თელავის მუნიციპალიტეტის ბიუჯეტი განისაზღვრა 73350,87 ოდენობით.

ფაქტიურად მიღებული შემოსავლების გათვალისწინებით მოხდეს ცვლილება ბიუჯეტის შემოსულობებში და გადასახდელები. კერძოდ:

გაიზარდოს სასმელი წყლის სისტემის რეაბილიტაციის (კოდი 02 02 01) არაფინანსური აქტივების ზრდის მუხლი 40,6 ათასი ლარით, სოფელ წინანდალში (ჩოთალიშვილების უბანში) არსებულ ჭაბურღილზე, სამარაგო რეზერვუარის და ტუმბოს მოწყობის სამუშაოების და საზედამხედველო მომსახურებისათვის;

გაიზარდოს მუნიციპალიტეტის ტერიტორიაზე კეთილმოწყობის სამუშაოების (კოდი 02 06 01) არაფინანსური აქტივების ზრდის მუხლი, დამატებით, 17,415 ათასი ლარით, ქ. თელავში საქართველოს სახელმწიფო დროშის სადროშე ბოძით და ფუნდამენტით მოწყობის სამუშაოების და საზედამხედველო მომსახურებისათვის;

გაიზარდოს ტურიზმის განვითარების ხელშეწყობის (კოდი 02 10) არაფინანსური აქტივების ზრდის მუხლი 60,0 ათასი ლარით, გაეროს განვითარების პროგრამის დაფინანსებით (UNDP), „ცივის მთის“ კალთაზე, სათავგადასავლო მარშრუტების დაგეგმვისა და შესაბამისი ინფრასტრუქტურის მოწყობისათვის, საპროექტო - სახარჯთაღრიცხვო დოკუმენტაციის შესამქნად;

გაიზარდოს საშუალო ზოგადი განათლების ხელშეწყობის ღონისძიებების (კოდი 04 04) სხვა ხარჯების მუხლი, დამატებით, 0,4 ათასი ლარით, 2022-2023 სასწავლო წლის თელავის მუნიციპალიტეტის სკოლის წარჩინებულ კურსდამთავრებულთათვის ფულადი საჩუქრით წახალისებისათვის.

კომისიის წევრების უმრავლესობამ მხარი დაუჭირა წარმოდგენილ ცვლილებას. კენჭისყრაში მონაწილეობა არ მიიღო რუსუდან იმერლიშვილმა.

გადაწყვეტეს: ბიუჯეტის ცვლილების პროექტი წარედგინოს საკრებულოს ბიუროს, საკრებულოს მორიგი სხდომის დღის წესრიგში შეტანის მიზნით.

მოისმინეს: 2. თელავის მუნიციპალიტეტის საკრებულოს 2023 წლის 27 თებერვლის N10 განკარგულებაში „საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების დამტკიცების შესახებ“ ცვლილების შეტანის თაობაზე.


აზრი გამოთქვეს: ზ. ლილუაშვილმა კომისიის წევრებთან ერთად, სოფლების მიხედვით განიხილა თითოეული პროექტი. ზოგადად ისაუბრა საკითხთან დაკავშირებით.

კომისიის წევრებს პროექტის ირგვლივ ძირითადად ინფორმაციული კითხვები ჰქონდათ. რაზეც მიიღეს ამომწურავი პასუხები.

წარმოდგენილ პროექტს კომისიის უმრავლესობამ მხარი დაუჭირა

გადაწყვეტეს: საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების დამტკიცების შესახებ პროექტი განსახილველად წარედგინოს საკრებულოს ბიუროს.

საფინანსო-საბიუჯეტო
კომისიის თავმჯდომარე



ზ. ლილუაშვილი